



Droga koju je zaplijenila **SIPA**

Šverceri skanka predati Tužilaštvu BiH

Uhapšeni u akciji kodnog imena Sky bavili su se švercom skanka iz Albanije, preko BiH u zemlje EU

Pripadnici **SIPA** jučer su Tužilaštvu BiH predali šest uhapšenih u akciji Sky koji se terete za međunarodni šverc droge. Tužilaštvo BiH će nakon saslušanja za njih zatražiti određivanje 30-dnevnog pritvora, potvrđeno nam je iz **SIPA**.

Pritvor je zatražen za Ivicu Antunovića i Nikicu Boškovića, Ivana Cvijanovića, Borislava Kovačevića te braću Veletić, Juricu i Marija.

Podsjetimo, u ovoj operativnoj akciji pripadnici **SIPA** u utorak su uhapsili šest osoba i zaplijenili tri tone skanka. Kako nam je rečeno u **SIPA**, osumnjičeni se dovođe u vezu sa švercom sedam tona skanka u proteklom periodu iz Albanije, preko Crne Gore, BiH u Hrvatsku i dalje ka zemljama Evropske unije. Akcija Sky je, po nalogu Tužilaštva BiH, izvedena

na četiri lokacije (dvije na području Stoca, te po jedna u Kiseljaku i Trebinju) uz asistenciju pripadnika MUP-a HNK-a, MUP-a SBK-a i Uprave za indirektno oporezivanje BiH.

Tokom pretresa pronađeni su više stotina hiljada eura, tri kriptovana mobitela (koje su koristili za neometan razgovor unutar njihove grupe), više običnih mobitela i određena količina droge. Tokom pretresa privremeno su oduzeti automobili, kao i druge stvari za koje se sumnja da su stečene na ilegalan način.

Dodajmo da je akcija Sky nastavak operacija usmjerenih na otkrivanje i razbijanje krijumčarskih lanaca droge spomenutim kanalom iz Albanije prema zemljama EU, koje su provedene u prethodnim mjesecima u operacijama Petrol Line, 24 i 24+.

D. P.